


F2 O na-akceptirime priznajimos

Ando bêš 1980 rodja o "Verband Deutscher Sinti" thaj e „Gesellschaft für bedrohte Völker“ te aven pîterde le dosijejur thaj aktura kata federalno arxivo, kaj kêrde le Hitleroskê raj pe vrjama kata nacionalsocijalizmo pa l' Ŕom thaj Sinti. Von rode jek publikaki rehabilitacija le minoritetoski. Ka 4.aprilo 1980 ankêrde deš-u-jek Sinti jek bokhalimasko štrajko, vorta po than kaj sas maj anglal le koncentracijako logoro Dachau. Oxto djes palal dja la bavarijako ministari pala androne buća peski vorba, te roden pe le dosijejur. Sar rezultato le bokhalimasko štrajkosko primisardja o savezno kancelaro Helmut Schmidt 1982 jek delegacija kata o Zentralrat Deutscher Sinti und Roma kaj formirisajlo sas xancî maj anglal. Ande peski deklaracija priznajisardja o kancelaro Schmidt angluji data o genocido kata 500.000 Sinti taj Ŕoma obligatorno ando Njamco pala internacionalno oficialno pravo.



1960

2001

1980-82

💡 Žanglen tumen

... kê e rasistično diskriminacija kata njamcicka Ŕom thaj Sinti žuvdisajli skoro štar decenjie pala o dujto ljumanko marimos maj dur? Le raj haznisarde butivar le purane dosijejura save kêrdesas len le naci, butivar sas o nevo raj haj o purano raj jeg ženo.

✍ Tumari bući

Arakhên, save religijakê, šibakê thaj etnijakê minoritetur sî ande tumaro them priznajime thaj save na. Sar šaj te den po gor, sî li jeg ženo membro kata 'k minoriteto vaj na?

📷 Paj fotografija

Le membrur kata le bokhalimasko štrajko ka memorjako than kata koncentracijako logoro Dachau 1980. Zentralrat Deutscher Sinti und Roma, Heidelberg.



<https://romasintigenocide.eu/kalderasch/f>